

摘藻堂四庫全書薈要

集部

欽定四庫全書薈要

集部

聖祖仁皇帝御製文二集卷四十

三至
六

詳校官原任編修臣徐立綱

欽定四庫全書薈要

聖祖仁皇帝御製文第二集卷四十三目錄

古今體詩四十一首

季夏遊西山憶舊

詠花

夏日閒坐

夏日郊行

苦熱戲作



雨中遠望

日講畢同翰林張英高士奇勵杜訥看荷

初秋

中元日蕉園作

復遊盤山絕頂

春日觀花

夏日口外寄宮中

避暑暢春園雨後新月

喜雨詩十六韻并序

南巡再過濟南

觀珍珠泉并序

經泰山之麓并序

再過淮南并序

淮城曉霜聞雁

蠲江南逋賦并序

過維揚并序

金山江天寺

焦山

駐蹕金山

雨過錫山

虎丘望山後

鄧尉山

鄧尉小軒望太湖

登靈巖

晚過吳江

入平望

并序

禾中道上

巡幸杭州

吳山

泛舟西湖

西溪

題西溪山莊以竹牕二字書賜高士奇

過桃花嶺至玉泉寺

湖心亭

渡錢塘江

山陰

欽定四庫全書薈要卷一萬三千七十一集部

聖祖仁皇帝御製文第二集卷四十三

古今體詩四十一首

季夏遊西山憶舊

尋芳踏綠野萬紫迷深谿地遠峰頭閣山高水勢低飛
花疑舊夢煙柳促新題沙暖鴛鴦睡萋萋草滿堤

詠花

奇蕊瓊葩綴碧枝幽香獨占美丰姿薰風初到牕前賞

疑是仙花月下移

夏日閒坐

雲斂風微紫燕飛春光已去夏初歸清襟贏得天然處
暗覺花香到玉扉

夏日郊行

節變春方去清和助麥秋蔚林乘早夏茂草接新流柳
絮堤邊起荷錢水上浮風光殊舊日此意未曾休

苦熱戲作

數年不見歆蒸熱于今熾日最難當披襟氣蹙三庚遠
近榻神昏九夏長煩暑時侵高閣上炎光每到小樓傍
微涼須動清風扇勉力勤民閱奏章

雨中遠望

庭槐開御幄雲氣逼遙岑雨濕鑿鈴重風吹輦路深芭
蕉分碧葉菡萏薦香林極目天邊望斜陽半嶺陰

日講畢同翰林張英高士奇勵杜訥看荷

千隊芙蓉太液池迎薰初散講筵時螭頭絕勝金蓮燭

自有清香送曉颺

初秋

大火初收暑氣殘
金風吹動芰荷寒
鳴蟬送夏聲聲急
雨霽遙天萬里看

中元日蕉園作

中元來太液新爽下林端
水檻臨流入風牕捲幔看魚
遊迷藻荇鷗戲悅沙灘
宇宙無塵翳涼生月一團

復遊盤山絕頂

絕頂巉巖裏松煙向曉開
片雲生衆壑虛籟落空臺
寺古人行少林深鳥亂回
千峰多秀色遠眺足徘徊

春日觀花

枝上流鶯早千紅萬紫香氣融
催景麗風過遞年芳穠
李花猶淺垂楊葉未長
澗中春溜發疑是奏笙簧

夏日口外寄宮中

翠蓋鸞旌出平明刻漏同
油雲驅暑氣時雨引清風
山脈經年秀泉形此日充
遙遙千里外回首憶深宮

避暑暢春園雨後新月

園亭氣爽雨初晴
新月朧朧透樹明
漏下微眠思治道
未知清夜意何生

喜雨詩十六韻

并序

朕撫御天下每以民生為念夙興夜寐無時少懈也
歲在丁卯自春涉夏蘊隆少雨日更增甚麥秋期至
農事堪憂傳曰龍見而雩謂建巳之月萬物始盛待
雨於天今當雨不雨或人事之未修朕躬之有過歟

亟命重臣凡國計憂戚刑名錢穀但有助於民者再三講究有言在京臣工鐫級過多皆賜復還可以致雨以及戲館秧歌之細事無不曲盡議論迄於五月憂心如焚減膳撤樂端居省過將以明詔布告天下思所以挽回天意詔下旬有餘日或膚雲方集輒阻燥風或微霖纔施旋升杲日昔人遇災而懼側身修行欲銷去之况茲不雨乎朕以涼德臨億兆之上為民之誠天日可監欲躬詣郊壇致祭諸臣亦以為請

因命禮官諏吉具儀齋戒肅穆步禱

上帝始齋之晚密雨濡潤祭之日雷雨交作自茲間日而雨徧四郊田野霑足朕先憂而飲食俱廢者為民也既雨之後喜而舉手加額者亦為民也今天不遺斯民禱而賜之雨使得不愧三公九卿之請朕之幸矣故賦喜雨詩以抒其懷

體國為民事憂勤固在斯驕陽春既盛膏澤夏愆期省刑書每下請雨令頻施雲未油然作風偏颯爾吹芄芄

苗欲稿細細草將萎翹首瞻青漢焦心對赤墀園扉重
舉滯旃屢幾疇咨齋祭祈神鑒精誠只已知誰云天最
遠於是聽能卑默處敬居日恭虔步禱時微衷慙上格
大化喜潛移霽霈滋南畝飄瀟徧九達黻黷陰陽協滂
沱渥澤垂田家還自樂朝野共吟詩從此煩襟滌由來
百志熙願同茲砥礪參贊奉無私

南巡再過濟南

六御重經歷下城頻將疾苦問蒼生肩摩轂擊風猶在

土沃農恬世久平戶戶春燈佳節過

時上元次日

邨邨社鼓

樂郊盈韶年漸布陽和澤淑氣晴光仗外橫

觀珍珠泉并序

濟南多名泉趵突珍珠二泉為最昔經過趵突曾賦
篇什今臨珍珠泉上愛其澄澈題曰作霖

一泓清淺漾珠圓細浪潏洄小荇牽偶與諸臣閒倚檻
堪同魚藻入詩篇

經泰山之麓并序

曩於甲子冬日登泰山之巔覽秦漢以來故蹟俯眺
寰區憑臨滄海今茲南巡復稅駕山麓因望岱宗而
展禮焉

聳巘高峰記昔攀春回瀑水響潺潺萬層石級雲霄上
千里煙邨縹緲間暫駐猶然思往事憑陵直欲小人寰
朱旗翠葆疎林外已見巍巍俯衆山

再過淮南

并序

嚮者巡省江左道出淮南軫念窮簷憫懷澤國今見

居民景象較前稍豐良慰朕懷

前來歷茲境斯民似未遂今日再經過風土覺有異紈
褐既充體廬舍各完置擁道歡趨迎扶老與攜穉咸云
獲休息近免徭役累水患日就平田疇可耕植一飲與
一食莫不歌帝賜素念切民依時為勞寤寐大造本無
私湛恩欲廣被間言聊自寬庶慰省方意

淮城曉霜聞雁

天際晨光水月連帶霜歸雁向前川
盪城曉發寒仍在

談笑春風雜紫煙

蠲江南逋賦并序

江南屢年逋賦二百二十餘萬，逐歲帶征，閭吏民頗以爲累。朕志存約已，弘澣衣菲食之風，事期裕民，師提彼注茲之義，特頒詔令，悉與蠲除。

國家財賦東南重，已責蠲租，志念殷膏澤，何妨頻見渥。普天願與樂耕耘。

過維揚并序

南巡以來減撤儀衛所歷郡邑垂髻戴白聽其趨蹌
馬首有以管籥迎者輒禁止之頃過維揚商民比屋
連艘充盈可喜但結綵張燈闐溢巷陌雖邗溝為東
南孔道歡迎亦兆庶至情猶恐前途相效勅地方長
吏諭以省費惜財并賦此詩

重過邗溝地春風細草生帆檣連賈舶笙吹滿江城物
力須教惜民情亦見誠繁華當淑景氣象喜充盈

金山江天寺

獨愛江天寺，停橈上碧峰。
波瀾聲浩浩，樓閣勢重重。
日暖浮雙樹，風微送午鐘。
遙看南北岸，春色澹春容。

焦山

焦山何岸望，遙與金山峙。
草木盡蒙茸，幽偏隔城市。
放舟下中流，攀蘿上涯涘。
隱士不可招，鶴銘洵足紀。
栖鷗驚人飛，暮雲千萬里。

駐蹕金山

煙霧空濛水國昏，夜移鳳舸泊山門。
然犀欲照鼉鼉窟，

卧聽濤聲自吐吞

雨過錫山

輕雲冉冉霧彎環
細雨絲絲罨畫遠
山畫舫青簾開曉坐
平波漫衍白鷗閒

虎丘望山後

試劍空存石生公
尚有臺愛看山後
景錯落野田開

鄧尉山

鄧尉知名久看梅
及早春豈因耽勝
賞本是重時巡野

靄朝來散山容雨後新
繽紛開萬樹相對愜佳辰

鄧尉小軒望太湖

山軒閒坐倚前楹
萬頃澄湖夕照明
夜久天心初月上
笙簧謾謾奏松聲

登靈巖

霏微靈雨散春煙
按轡逍遙陟翠巔
香水通流明若箭
琴臺列石勢如拳
諸峰盡在青蘿外
萬井全依綵仗前
間是吳宮花草地
空餘鐘磬梵王筵

晚過吳江

垂虹蜿蜒跨長波
畫戟牙檣薄暮過
燈火千家明似晝
好風好雨祝時和

入平望

并序

平望為浙江界長吏以畫舫五百來迎恐勞民力卻之不御

錦纜無勞列綵艫
輕橈自愛倚船牕
勤民不憚周行遠
早又觀風向浙江

禾中道上

兩岸人家半種桑雨中入望盡蒼茫民間本業惟農織
愛看山邨共水鄉

巡幸杭州

東南上郡古臨安親採風謠一省觀翠岫寵從猶舞鳳
羽旗簡約不鳴鑾春暉草木江山麗戶滿弦歌雨露寬
德化遠敷吾未信如何夾路萬聲歡

吳山

左控長江右控湖萬家煙火滿康衢偶來絕頂憑虛望
似向雲霄展畫圖

泛舟西湖

一片湖光潋灩開峰巒三面送青來輕舟櫂去波添影
曲岸移時路卻回春色初搖堤上柳惠風正發寺邊梅
此行不是探名勝欲使陽和徧九垓

西溪

十里清溪曲修篁入望深暖催梅信早水落草痕侵俗

藉漁為業園饒筍作林民風愛淳樸不厭一登臨

題西溪山莊以竹牕二字書賜高士奇

花源路幾重柴桑皆沃土煙翠竹窗幽雪香梅岸古

過桃花嶺至玉泉寺

度嶺穿雲路始平停鑣聊憩小池清游魚自有悠然意
豈識乾坤造物宏

湖心亭

水上起樓臺湖面平如鏡春風吹柳條遠與山光映

渡錢塘江

雪後春煙漠漠浮揚舠擊楫向中流江通潮汐分吳地
路入溪山隱越州振武戈矛皆駐馬憶用武時大兵屯駐江干省方
存葆此乘舟風帆沙鳥看何限遠近雲霞望裏收

山陰

灌木叢篁傍水幽澹煙晴日漾芳洲蘭橈搖過山陰道
在昔人傳鏡裏遊

聖祖仁皇帝御製文第二集卷四十三

欽定四庫全書薈要

聖祖仁皇帝御製文第二集卷四十四目錄

古今體詩四十八首

謁大禹廟

登卧龍山越望亭

雲栖竹樹甚茂幽蘭滿山

虎跑泉

并序

靈隱寺

飛來峰

諭浙省將吏軍民并序

舟中書懷

將遊華山以欲雨未往

雨中幸錫山園林

惠泉

無錫小民以羔羊惠酒爭獻御舟笑而遣之

句容雨望

巡幸江寧

賜江寧文武將士宴於教場

再過明故宮

江寧駐蹕并序

後湖

詠幽蘭

登報恩寺浮圖

上巳日再登金山

長江夜月

曉發維揚順風揚帆午餘已過秦郵

自宿遷解纜一日夜達山東境

春晴舟中作

途次書懷

清明

憂旱憶民事作

榴花

盆景榴花高有數寸開花一朶

輓大行皇后詩四首

并序

中秋書懷

守

陵太監崔邦琪侍

慈寧宮年久詩以賜之

康熙二十八年歲旱冬又無雪朕焦心勞思寢

食俱廢二月初間謁

陵路遇大雨田野歡聲方少據朕懷故賦五言律以記
之

暢春園衆花盛開最為可觀惟綠牡丹清雅迥
常世所罕有賦七言絕以記之

詠花餅

櫻桃

雨後初晴戲作二首

命裕親王福全皇長子胤禔帥師征厄魯特錫

之以詩

養病塞北

古北塞上望月

康熙三十二年六月賜總督佛倫

夏燕新蓮二首

欽定四庫全書

卷四十四目錄

欽定四庫全書薈要卷一萬三千七十二

集部

聖祖仁皇帝御製文第二集卷四十四

古今體詩四十八首

謁大禹廟

古廟青山下登臨曉靄中
梅梁存舊蹟金簡紀神功
九載隨刊力千年統緒崇
茲來薦繁藻瞻對率羣工

登卧龍山越望亭

周覽山川歷井疆越峰突兀見青蒼
爭流萬壑通城郭

一一看來在下方

雲栖竹樹甚茂幽蘭滿山

山徑紆徐合溪聲到處間竹深陰夏日木古勢干雲倚
檻聽啼鳥攀崖採異芬韶華春已半萬物各欣欣

虎跑泉并序

西湖自昔畫舫笙歌之地朕茲行志本省方止一覽
其山川風土未曾片刻停驂尚食但飲虎跑泉水一
勺耳

松林帶餘雪空山啼百舌石溜響涓涓寒泉自清潔

靈隱寺

靈山結幽秀驚嶺起嵯峨梵宇盤空出香雲繞地多開襟對層碧下馬撫煙蘿羽衛間來往非同問法過

飛來峰

巖岫峻增洞壑奇懸藤古木半迷離冷泉亭子清溪上誰識源頭混混時

諭浙省將吏軍民并序

朕自武林回鑾百姓擁道固請暫留慰諭遣之因詔
諸將吏務在調劑兵民共相輯睦息訟弭爭務本崇
儉毋專末業以滋游惰并賦斯篇

省方浙西東山川極遐矚茲辰當回鑾諄諄一相勗軍
民貴安和文武須聯屬息忿可無爭守分在忍辱日使
訟庭閒愚民免械梏奢侈尤當懲繁華莫恣欲儉乃保
其富素履各敦篤惟令教化興益見閭閻足諸吏宜勉
之期歸淳樸俗

舟中書懷

澹澹春山暮靄清和風拂柳入簾輕
留情遠寄懸千里
撫景興懷歷幾程寒盡梅中初霽雨
詩成洲上忽聞鶯
船窗睡起疑宮闕月滿江湖聽櫂聲

將遊華山以欲雨未往

欲向青山澗壑行春雲又變曉陰輕
勾陳不遣驚禪定
恐礙林間碧草生

雨中幸錫山園林

澹冶青山色幽探傍曉來煙籠巖下竹雨洗石邊苔斷
續聽啼鳥飄搖惜落梅曾襟原浩蕩隨意坐亭臺

惠泉

寒雲覆樹昔年經

甲子觀惠泉在十月

再品山泉到此亭春水一

犁農事足喜膏雨徧郊垌

無錫小民以羔羊惠酒爭獻御舟笑而遣之

自昔君門隔九閭如何草野得攀援多因愛此元元切
忘分公然學負暄

句容雨望

山行逐高低四望多松樹雨裏萬人家遙看隔雲霧

巡幸江寧

南省封疆惟此區江流環繞壯規模華旗芝蓋重臨幸
二水三山半畫圖吏事莫先田野治民情但願閭閻孚
不知比歲恩波洽止聽黃童白叟呼

賜江寧文武將士宴於教場

瑞雲捧日曉初晴麗景天開羽仗明扈蹕赴桓多絳灌

分行俊譽盡璵璠三漿滿浥沾須徧五載南巡澤再傾
自甲子南巡
今已五載文穆武恬慙代理萬方無事宴昇平

再過明故宮

樓臺金粉已沈銷不獨詩人說六朝月落宮垣春寂寂
經過惟歎草蕭蕭

江寧駐蹕并序

江寧士民羣詣行在爭獻米穀兼羅果蔬涕泣請留
屢諭不止俯徇億兆之願勉遲信宿之行

心勤民隱獨諮諏不為江山作勝遊
白下回鑒期已近黔黎擁道欲何求
多憐野老堆盤獻勉就輿情兩日留
二十八年宵旰意豈圖遠邇慕懷柔

後湖

嶽嶽長湖水春來發綠波
飛鳴下見雁朝暮集漁蓑

詠幽蘭

婀娜花姿碧葉長
風來難隱谷中香
不因紉取堪為佩
縱使無人亦自芳

登報恩寺浮圖

湧地千尋起摩霄九級懸琉璃垂法相翡翠結香煙締
造人功巧流傳世代遷曠然彌遠望萬象拱諸天

上巳日再登金山

晴和逢上巳況在大江濱正是回鑾日揮毫記此辰

長江夜月

萬頃淪漣映平沙一望收天光起水色雲影共波流隔
岸姑蘇遠臨軒夜月浮民情咸自得何必泛龍舟

曉發維揚順風揚帆午餘已過秦郵

傍曉發蕪城風帆疾如駛晚照半平湖舟行百餘里

自宿遷解纜一日夜達山東境

千里南程幾日回輕舟直下沂潞洄天風更假帆檣便
一夕山東境上來

春晴舟中作

野水漫漫野岸長幾行嫩柳帶斜陽不知春色來多少
但覺飛花處處香

途次書懷

長樂

慈顏兩月違白雲迢遞戀春暉輕舟不繫兼程進應話
民風坐漏稀

清明

已日纔從江岸行舟中還復度清明上林聞道花遲發
留與歸時聽早鶯

憂旱憶民事作

仲夏炎曛盛德涼時未和驕陽因六事亢旱最三河
為天下民以食為重天將風更多憂勤難暇顧惟誦憫
之中

農歌

榴花

丹誠映白日豔色喜清幽嫩綠疎櫺外開時傍翠樓

盆景榴花高有數寸開花一朶

小樹枝頭一點紅嫣然六月雜荷風攢青葉裏珊瑚朶
疑是移根金碧叢

輓大行皇后詩四首 并序

大行皇后秀鍾華閥德備壺儀溯懿親於渭陽定嘉
祥於媯汭宮闈翊贊克孝克慈頃者正位翟褕甫承
冊命遽嬰篤疾莫挽徽音時屬新秋候當闌暑驚璇
霄之月墜傷碧落之星沈物在人亡覩遺袿而雪涕
庭虛晝永經垂幕以愴懷悲從中來不能自己握管
言情聊抒痛悼

月掩椒宮歎別離傷懷始覺夜蟲悲淚添雨點千行下

此日微雨情割秋光百慮隨雁斷衡陽聲已絕魚沉滄海信
難期繁憂莫解衷腸夢惆悵銷魂憶昔時

又

交頤淚灑夕陽紅徒把愁眉向鏡中露冷瑤階增寂寞
煙寒碧樹恨西東舊詩詠盡難回首新月生來枉照空
鸞影天涯無信息斷絃聲在未央宮

又

音容悲漸遠涕淚為誰流女德光千禩坤貞應九州涼

風銷夜燭人影散瓊樓歎此平生苦頻經無限愁

又

淅瀝動秋聲中心鬱不平離愁逢葉落別恨怨蛩鳴寂
寂瑤齋隔沈沈碧海橫玉琴哀響輟宵殿痛殘更

中秋書懷

多病多悲感百端
暫來此地駐瓊鑾
巖間雨歇衣還濕
嶺外雲開露未乾
風激清潭三汲浪
秋催墮葉五更寒
驚看圓月峰頭出
似照愁腸勸夕餐

守

陵太監崔邦琪侍

慈寧宮年久詩以賜之

返照寒松影心懸泣露霜一生常感悼數載幾悲涼恨
接雲峰近思連滄海長問安勞夢想絕矣九迴腸

康熙二十八年歲旱冬又無雪朕焦心勞思寢食
俱廢二月初間謁

陵路遇大雨田野歡聲方少攄朕懷故賦五言律以記

之

念愆思雲漢望歲意真純稼穡三時重祈豐六事頻風
恬咸自樂雨灑易為春高下皆霑足方知天至仁

暢春園衆花盛開最為可觀惟綠牡丹清雅迴常
世所罕有賦七言絕以記之

碧蕊青霞壓衆芳檀心逐朶韞真香花殘又是一年事
莫遣春光放日長

詠花餅

擷取羣芳置案頭
天香一段貯清幽
人生常有悲歡事
惟爾閒情不曉愁

櫻桃

初夏含桃味早全
西山結實弱枝連
赤瑛充薦休言過
丹色濃濃衆果先

雨後初晴戲作二首

山腹重雲鎖晚煙
水光逐浪共天連
長橋疑作虹蜺似
落照扁舟湖上眠

其二

新晴雨後暎斜陽
草茂花繁處處香
石色蒼苔隨岸綠
橋邊垂柳挂絲長

命裕親王福全皇長子
胤禔帥師征厄魯
特錫之以詩

萬國勤懷保三階
願治平寰中皆赤子
域外盡蒼生
小蠢忘悁冒天心
解鬪爭執迷思梗
化伐罪事專征武略
期無敵王師出有名
親藩分鈇鉞長子擁麾旌
驅虎資

郎將貔貅壯禁營
玉戈凝曉色金甲耀秋晴
獲醜寧遺類籌邊重此行
據鞍軍令肅橫槊凱書成
煙火疆隅戢牛羊塞上耕
遐荒安一體歸奏慰予情

養病塞北

寒蟬鳴野樹旅雁過秋蓬
嶺外皆紅葉城邊有綠桐
身虛苦夏熱多病愛清風
山色猶然在人顏漸不同
幸無烽火事喜有智神功

古北塞上望月

桂樹清光挂碧天
雲開萬里塞無煙
遠人向背由敷政
惟在籌邊與任賢

康熙三十二年六月賜總督佛倫

東表間風化西秦
作雨霖揚清知疾
苦激濁勉官箴曠
世孤芳節超倫千
古心封疆資大吏
撫育代憂深

夏燕新蓮

紫燕雙雙到案前
天教霖雨足禾田
臨牕斜掠蓮花影
雲與波光皆渺然

其二

丹橋綠柳轉黃鸝
碧澗深林對小池
睡起閒情題畫簃
薰風動處樂雍熙

聖祖仁皇帝御製文第二集卷四十四

欽定四庫全書薈要

聖祖仁皇帝御製文第二集卷四十五目錄

古今體詩五十九首

初秋晚雨後觀儀器

初秋詠竹

閒坐詠竹

詠金蓮花

祝巴林淑慧大長公主詩并序

戲題自鳴鐘

春日舟行

夏日幸潞河雜詩三首

親閱運河堤

舟泊潞河

千葉蓮

題耕織圖

耕

第一圖 浸種

第二圖 耕

第三圖 耜耨

第四圖 耖

第五圖 碌碡

第六圖 布秧

第七圖 初秧

第八圖 淤蔭

第九圖

拔秧

第十圖

插秧

第十一圖

一耘

第十二圖

二耘

第十三圖

三耘

第十四圖

灌溉

第十五圖

收刈

第十六圖

登場

第十七圖

持穗

第十八圖

春碓

第十九圖

簾

第二十圖

簸揚

第二十一圖

礱

第二十二圖

入倉

第二十三圖

祭神

織

第一圖

浴賢

第二圖

二眠

第三圖

三眠

第四圖

大起

第五圖

捉績

第六圖

分箔

第七圖

採桑

第八圖

上簇

第九圖 炙箔

第十圖 下簇

第十一圖 擇蔞

第十二圖 窖蔞

第十三圖 練絲

第十四圖 蠶城

第十五圖 祀謝

第十六圖 緯

第十七圖

織

第十八圖

絡緯

第十九圖

經

第二十圖

染色

第二十一圖

攀花

第二十二圖

翦帛

第二十三圖

成衣

欽定四庫全書薈要卷一萬三千七十三

集部

聖祖仁皇帝御製文第二集卷四十五

古今體詩五十九首

初秋晚雨後觀儀器

從容更覺靜悠悠
片片荷香送小舟
日落開牕雲外景
風清拂戶雨中秋
寬懷自有數行字
樂志須操一算籌
向日最喜
天文算法
萬物無窮最易曉
其間諸象列天球

初秋詠竹

森翠青青繞碧塘
霜姿靄靄動幽香
寒風不變終身節
綠葉紛然映晚涼

閒坐詠竹

門外千竿細竹牕
前萬朵鮮花秋寒衆
色皆變惟爾霜姿
可嘉

詠金蓮花

迢遞從沙漠孤根待品題
清香拂檻入正色與心齊
磊落安山北參差驚嶺西
炎風曾避暑高潔少人躋

祝巴林淑慧大長公主詩

并序

公主秀毓天潢祥鍾坤順為

皇考同氣之親淑容懿範儼若

慈闈履貴盛而沖和居顯榮而祇慎耆年令德宗黨式
欽惠澤淪洽於遠人徽柔著聞於中外數十年來篤
愛朕躬禮周意摯故常迎留京邸晨夕相依用展敦
睦之義惟祝遐齡康豫馴致期頤俾得色笑恒瞻德
音長奉藉以慰朕追慕

慈寧之永念豈不休歟爰賦五言以介眉壽

長祝南山壽願言北斗詩祥開應帝女釐降自金枝沙
漠黎心服坤貞天下知年年慶人瑞歲歲賞瑤池

戲題自鳴鐘

晝夜循環勝刻漏綢繆宛轉報時全陰晴不改衷腸性
萬里遙來二百年

此器至中國
二百年矣

夏日舟行

靈液開僊仗清暉映碧波黃鸝鳴茂樹歸雁戲青莎水

曲蒲帆轉岸迴錦纜過三春曾布德月下聽謳歌

夏日幸潞河雜詩三首

水色連天四望收輕舠桂楫放中流東南惟有長江勝
一片雲帆萬里遊

其二

曾記當年幸潞河翠旌熠燿映微波臨流士女爭瞻望
不禁扁舟唱濯歌

其三

野雲漸起罩斜陽暮泊平沙覺水涼
初更未寢吟詩句
靜見爐中焚異香

親閱運河堤

舊歲陰霖勝憂勤億兆難析津通鵲渚
形勢接桑乾
物理常求治朝堂亦自安運堤久未整岸堰最宜完
夾道黎民悅沿河老幼歡雲容隨豹尾暑氣擁仙鑾
九醞賢入酒三漿龍鳳團匡牀搜典誥流水奏幽蘭
擢響逼前駕漁歌進小灘去回四百里舟次五雲端

舟泊潞河

萬里帆檣宛轉來
炎天繫纜泊河隈
長江曾著操舟說
短夢頻思作楫才
隔水脩脩秋麥起
繞林處處野花開
從容披閱依書幌
靜爾忘言憶九垓

千葉蓮

禁苑初秋玉殿涼
綠荷經瀨遞清商
千英水面重重豔
幾度風前柄柄香
宮女移船搖紺葉
近臣載筆詠紅芳
定心坐對西山靜
不管穠纖映夕陽

題耕織圖

耕

第一圖 浸種

暄和節候肇農功自此勤勞處處同
早辨東田種桂種
褰裳涉水浸筠籠

第二圖 耕

土膏初動正春晴
野老支筇早課耕
辛苦田家惟穡事
隴邊時聽叱牛聲

第三圖 耙耨

每當旰食念民依
南畝三時願不違
已見深耕還易耨
綠蓑青笠雨霏霏

第四圖 耨

東阡西陌水潺湲
扶耨泥塗未得閒
為念饔飧由力作
敢辭竭蹶向田間

第五圖 碌碡

老農力穡慮偏周
早夜扶犁未肯休
更駕烏犍施碌碡

好教春水滿平疇

第六圖

布秧

農家布種避春寒
甲圻初萌最可觀
自昔虞書傳播穀
民間莫作等閒看

第七圖

初秧

一年農事在春深
無限田家望歲心
最愛清和天氣好
綠疇千頃露秧鍼

第八圖

淤陰

從來土沃藉農勤豐歉皆由用力分
薙草灑灰滋地利
心期千畝稼如雲

第九圖

拔秧

青蔥刺水滿平川移植西疇更勃然
節序驚心芒種迫
分秧須及夏初天

第十圖

插秧

千畦水澤正瀰瀰競插新秧恐後時
亞旅同心欣力作
月明歸去莫嫌遲

第十一圖

一耘

豐苗翼翼出清波
萸稗叢生可若何
非種自應交雉盡
莫教稂莠敗嘉禾

第十二圖

二耘

曾為耘苗結隊行
更憂宿草去還生
隴間餽饁頻來往
勞勩田家婦子情

第十三圖

三耘

穠極盈畦日正長
復勤穗莖下方塘
堪憐曝背炎蒸下

惟冀青疇發紫芒

第十四圖

灌溉

塍田六月水泉微
引溜通渠迅若飛
轉盡桔槔筋力瘁
斜陽西下未言歸

第十五圖

刈刈

滿目黃雲曉露晞
腰鎌穫稻喜晴暉
兒童處處收遺穗
邨舍家家荷擔歸

第十六圖

登場

年穀豐穰萬寶成
築場納稼積如京
迴思望杏瞻蒲日
多少辛勤感倍生

第十七圖

荷穗

南畝秋來慶阜成
瞿瞿未釋老農情
霜天曉起呼鄰里
徧聽邨邨打稻聲

第十八圖

春碓

秋林茅屋晚風吹
杵臼相依近短籬
比舍春聲如和答
家家篝火夜深時

第十九圖 農

謾言嘉穀可登盤
糠秕還憂欲去難
粒粒皆從辛苦得
農家真作雨珠看

第二十圖 簸揚

作苦三時用力深
簸揚偏愛近風林
須知白粲流匙滑
費盡農夫百種心

第二十一圖 磬

經營阡陌苦胼胝
艱食由來念阻饑
且喜稼成登石磑

從茲鼓腹樂雍熙

第二十二圖 入倉

倉箱頓滿各欣然補葺牛牢雨雪天盼到蓋藏休暇日
從前拮据已經年

第二十三圖 祭神

東疇舉趾祝年豐喜見盈寧百室同粒我烝民遺澤遠
吹豳擊鼓報難窮

織

第一圖

浴蠶

豳風曾著授衣篇蠶事初興穀雨天更考公桑傳禮制
先宜浴種向晴川

第二圖

二眠

柔桑初翦綠參差陌上歸來日正遲邨舍家家簾幕靜
春蠶新長再眠時

第三圖

三眠

紅女勤劬日載陽鳴鳩拂羽恰條桑只因三卧蠶將老

翦燭頻看夜未央

第四圖 大起

春深處處掩茅堂
滿架吳蠶婦子忙
料得今年收繭倍
冰絲雪縷可盈筐

第五圖 捉績

連宵食葉正紛紛
風雨聲喧隔戶聞
喜見新蠶瑩似玉
燈前檢點最辛勤

第六圖 分箔

愛逢晴日映疎簾新綠如雲葉漸添天氣晴和蠶事廣
移筐分箔徧茅檐

第七圖 採桑

桑田雨足葉蕃滋恰是春蠶大起時負筐攜筐紛笑語
戴鶯飛上最高枝

第八圖 上簇

頻執纖筐不厭疲久忘膏沐與調饑今朝士女歡顏色
看我冰蠶作繭時

第九圖 炙箔

蠶性由來苦畏寒深垂簾幕夜將闌爐頭更熬松明火
老嫗殷勤日探看

第十圖 下簇

自昔蠶繅重婦功曾聞獻繭在深宮披圖喜見纍纍滿
茅屋清光積雪同

第十一圖 擇繭

冰繭方堪作素紃重綿亦藉禦深寒就中自有因材法

揀取筐間次第觀

第十二圖

害繭

一年蠶事已成功歷數從前屬女紅聞說及時還害繭
荷鋤又向綠陰中

第十三圖

練絲

炊煙處處繞柴籬翠釜香生煮繭時無限經綸從此出
盆頭喜色動雙眉

第十四圖

蠶蛾

蛾兒布子如金粟水際分飛任所之莫令繭絲遺利盡
來年留作授衣資

第十五圖

祀謝

勞勞拜簇祭神桑喜得絲成願已償自是西陵功德盛
萬年衣被澤無疆

第十六圖

緯

綠陰掩映野人家每到蠶時靜不譁一自夏初成繭後
籬邊新聽響繅車

第十七圖

織

從來蠶績女功多當念勤勞惜綺羅
織婦絲絲經手作
夜寒猶自未停梭

第十八圖

絡緯

無衣卒歲早關情
寒氣催人蟋蟀聲
茅屋疎籬秋夜永
短檠相對絡絲成

第十九圖

經

織紵精勤有季蘭
牽絲分理製羅紈
鳴機來往桑陰裏

已作吳綃匹練看

第二十圖

染色

凝膏比潔絡新絲傳得仙方色陸離一代文明資貴飾
須教五采備彰施

第二十一圖

攀花

巧樣爭傳濯錦紋堪憐織女最殷勤雲章霞綵娛人意
自著尋常縞布裙

第二十二圖

翦帛

手把齊紈冰雪清秋衣欲製重含情
逡巡莫漫施刀尺
萬縷千絲織得成

第二十三圖

成衣

已成東帛又縫紉始得衣裳可庇身
自昔宮庭多澣濯
總憐蠶織重勞人

聖祖仁皇帝御製文第二集卷四十五

欽定四庫全書薈要

聖祖仁皇帝御製文第二集卷四十六目錄

古今體詩四十二首

二月三十日親統六軍徂征漠北

出居庸關

赤城

龍門

過獨石口

出塞訓厲軍士

北藩諸部君長來迎

沙漠二首

風雪致禱遂雨晴霽

賜皇子胤祉

賜皇子胤祐

春寒軫念將士

途中新夏

經明成祖勒銘處指示扈從諸臣

并序

賜皇子肩褱

帳殿對雨念畿輔四方農事

賜將士食

違

皇太后定省言懷

行殿示諸皇子

瀚海

營夜南望北斗

雁棲沙磧

有序

時乏水於山坡得泉志喜

克魯倫河上流雨後草生

登山巔下瞰克魯倫河周覽山川形勢指麾營
陣

渡克魯倫河網魚暫駐待後軍至

軍中夜嘗擐甲達旦

噶爾丹潰遁遂窮追之

剿滅噶爾丹大捷

自賊中投誠來者皆宥之

遣使示皇太子捷音

示宮中捷音

班師次拖陵

班師拖陵留皇長子胤禔殿後示之

行間賜大學士張玉書

外藩諸部落絡繹來賀宴賚之

入關見雨膏潤澤禾苗茂遂喜而有作

彈琴峽

南口

入京見百官及耆民童穉歡迎道周

賜將軍孫思克

欽定四庫全書薈要卷一萬三千七十四集部

聖祖仁皇帝御製文第二集卷四十六

古今體詩四十二首

二月三十日親統六軍徂征漠北

惟天盡所覆眷命畀我清自予蒞鴻祚恒願銷甲兵狡
馬窺北疆屬國橫相撓昔張捷伐兇醜皆顛傾赦之
釋不誅開網全其生怙終恣跳梁邊鄙搖羣情皇皇仁
義師聲討必有名春雪灑貝冑朔風捲龍旌睠茲羆虎

士金革勞遠征於鑠振我武赫赫揚天聲

出居庸關

羣峰倚天半直北峙雄關古塞煙雲合清時壁壘閒軍
鋒趨朔漠馬蹟度重山漸向邊城路旌旗疊翠間

赤城

慈宮曾駐此溫泉展轉依稀廿五年今日征途冰未解

當時凍嶺雪還全

往年奉

太皇太后臨幸之際即是此時

漸近

邊關風土別長驅旌旆岳山連孤城寒重深宵靜敢卜

龍沙奏凱旋

龍門

絕巘何時鑿五丁
雙崖萬仞闢門屏
潺湲塞水嵯峨石
振旅歸來定勒銘

過獨石口

關名獨石插遙天
路繞青冥絕嶂懸
翠壁千尋標九塞
黃雲萬疊護三邊
霓旌曉度長城月
毳帳春迴大漠煙
總為民生勤戰伐
不辭籌畫在中權

出塞訓厲軍士

鐵馬金戈整六師
鼓行出塞暮春時
邊塵盡掃從今始
莫讓天山建績奇

北藩諸部君長來迎

關山直北盡王臣
屬國侵陵煽亂頻
為靖邊方勤士馬
欲令藩落輯民人
聲靈有赫羣知肅
拊舞來同意倍親
共覩此行清朔漠
保疆綏土俗還淳

沙漠二首

高下龍堆萬馬趨直將漠外作疆隅漢家只守飛狐嶺
坐使中原失遠圖

其二

沙磧荒榆細柳多步行不用蹠鳴珂

時率將士步行

連朝登頓

渾無倦甘苦身先士荷戈

風雪致禱遂爾晴霽

塞外春深雨雪頻寒風猶自拂征塵昨朝遣祀咨宗伯
已見遙天霽色新

賜皇子肩社

玉弩金戈壯此行
期門環衛在連營
深居莫忘勤勞意
須識間關出塞情

賜皇子肩祐

逆我顏行討必加
六軍嚴肅靜無譁
分營此日如綦布
奮武羣看捲塞沙

春寒軫念將士

大漠春殘雪尚飛
從征車馬正駢駢
風迴沙路迷金勒

寒送冰花上鐵衣每念折衝憑士氣況從絕徼奉天威
六軍同奮起桓志佇見晴曛滿翠旂

途中新夏

邊草纔青節序更征裘未換入朱明遙思南陌東阡候
正是居人急耦耕

經明成祖勅銘處指示扈從諸臣

并序

朕率師行四十五日至我哨界界內外高阜坡陀大
抵皆黃白沙五色石北行十一里有石瑩然獨出明

成祖北伐刻銘其上時則永樂八年庚寅四月十六日朕今過此適在四月十四日山原猶昔時日同符朕謂明成祖之率師而行也與今日異其時出邊皆敵人也今蒙古悉我効力之人其時皆漢人步卒今我兵悉騎士且熟習邊外之行由此觀之明成祖深入敵中數千里縱橫若行無人之境亦誠難矣我軍若不及彼良可媿也凡聞斯語者當人人自奮焉爰紀其事而繫之以詩

伊昔永樂年征馬嘶朔風磧間銘片石苔蘚磨青銅我
行初拂拭夏節欣相同當時月在巳今值清和中後先
間兩日彼亦一代雄我武討不庭春發明光宮塞草綠
微茁雨雪陰濛濛或言時尚早稍待邊花紅寧知英傑
人所見良疏通迅行掩不備兵法貴折衝軍謀在帷殿
士氣如虎熊豈不資羣策惟斷斯有功作詩紀其事聊
以示臣工

賜皇子盾褱

戎行親莅制機宜櫛沐風霜總不辭
隨侍晨昏依帳殿
焦勞情事爾應知

帳殿對雨念畿輔四方農事

氣和時雨降駐蹕對荒陬點點侵
油幕霏霏濕翠旂
未知同甸服果足渥田疇軫念民
依切馳書付置郵

賜將士食

萬騎擁雕弓長鳴向北風
龍荒彌曠遠虎旅正驍雄
戰鼓黃雲外旌門紫氣中
朕躬方蓐食與爾六軍同

違

皇太后定省言懷

帳殿風高日影移
庭闈常憶問安時
寸心每自依清禁
慈念遙應繫北陲
柔遠肯教罹疾苦
除殘焉敢惜肝胝
預期露布飛章入
早報瑤階

母后知

行殿示諸皇子

師行日已遠
邊馬風蕭蕭
眷言靖疆宇
寧憚道路遙
彼

金
卷四十六
寇鄰北藩謫謀聲動搖除惡必拔本根秀隳良苗外攘
內斯安務令金甲銷吾民息轉輸丁男無敝彫一勞方
永逸所戒怠與驕天心鑒此誠雨暘時以調

瀚海

四月天山路今朝瀚海行積沙流絕塞落日度連營戰
伐因聲罪馳驅為息兵敢云黃屋重辛苦事親征

營夜南望北斗

碧琉璃界四垂邊漸覺雲低欲到天為問北來行近遠

果然北斗挂南川

雁棲沙蹟

有序

朕親提士旅迅掃邊塵野宿宵興風高月冷慨居人
之絕跡見沙雁之羣栖曠遠蕭條艱難跋涉念茲徂
征之役實殷求定之心矐彼昔賢斐然有作覽遺文
之垂後在息武以寧人夙抱此懷因物興感

為靖風塵夜不眠平沙四顧斷人煙征夫欲度陰山外
北雁偏棲瀚海邊讀武詩書天子戒惟仁經史帝王先

須看戰壘生靈骨，弔古文章信可傳。

時乏水於山坡得泉志喜

麾兵深入賊巢邊，斯地從來乏水泉。
報道六軍齊飲馬，清流山畔忽涓涓。

克魯倫河上流雨後草生

晚從岸曲駐前旌，雨歇行營草怒生。
一望青青河上色，平蕪共聽馬嘶聲。

登山巔下瞰克魯倫河，周覽山川形勢指麾營陣。

策馬登崇岡，勢亦崔嵬浩。浩見河流迤，遞西隅來杳。
然罕人跡，周覽復徘徊。命我熊羆士，往駐山之隈。旌旗
布林麓，寇見應疑猜。六師壓其陣，賊勢立崩摧。麾示諸
部曲，號令肅風雷。俯視窟中鬼，殄滅同纖埃。

渡克魯倫河網魚暫駐待後軍至

臚朐河水何泱泱，高山發源清且長。漠北經流數千里，
東趨遼海歸扶桑。夙昔河壩亦沃土，狡寇來據巢其疆。
自春徂夏雨澤斷，塞草不綠川原黃。驚聞我師自天來，

遠渡沙磧思遁藏焚巢裹餓夜竄走老羸穉幼委道傍
朕率輕騎渡河北平沙淺水湔甲裳命士舉網截清流
鮮鱗潑刺河中央笑彼智短氣復懦捐棄形勢奔倉皇
此時中宵自顛沛當年北鄙徒披猖我師英武且整暇
臨河飲馬皆鷹揚黃鉞一麾諸部集回首萬騎方騰驤
軍中夜嘗環甲達旦

四山風靜建旌旄帳外沙明片月高除逆安民非得已
終宵環甲敢言勞

噶爾丹潰遁遂窮追之

謾道爰爰兔窟多久從西路列琱戈疾馳莫憚追奔力
須使窮禽入網羅

剿滅噶爾丹大捷

殘寇疲宵遁橫衝節制兵我師乘銳氣誰許馬餘生貔
虎三軍合鯨鯢一戰平媿稱謀畫定討罪荷天成

自賊中投誠來者皆宥之

伐叛軍聲震若雷奔亡賊勢已全摧龍荒所至皆蒼赤

許爾投戈向化來

遣使示皇太子捷音

逋寇多年快翦除風清塞北已迴車遙知念切馳相慰
驛騎南歸賜捷書

示宮中捷音

向南瞻北斗水際見飛鴻雪照平沙月雲生大漠風捷
書傳遠塞喜氣溢深宮奏凱鳴鑾近新荷夏正中

班師次拖陵

戰馬初閒甲士歡揮戈早已破樓蘭
彌天星斗銷兵氣
照徹邊山五月寒

班師拖陵留皇長子胥禔殿後示之

北伐經時鐵馬馳自春徂夏歷邊陲
炎風暑雨歸來日
留待旋鑣撫六師

行間賜大學士張玉書

疇昔謀康阜除頑事戰攻若非揚九伐
何以靖三農
古義嚴聲討儒臣在折衝
遐荒風雪裏危蹕紀軍容

外藩諸部落絡繹來賀宴賚之

諸部名王集扶攜繞御營皆言清朔漠從此樂生成喜
溢車書會歡騰鼓角聲朕懷勤撫恤所志在休兵

入關見雨膏潤澤禾苗茂遂喜而有作

甘雨時霖為洗兵恰逢戰勝武功成軍容萬隊初旋凱
婦子千邨正饁耕天意要荒同職貢人歡閭井共昇平
征途每憶民生事喜見桑麻愜此情

彈琴峽

琮琤流水意彷彿似鳴琴曲度泉歸壑聲兼峽泛吟空
山傳逸響終古奏清音不御金徽久泠泠會素心

南口

鑾輿歷遠度龍城已近郊圻一日程時雨潤來山翠重
更添高下小溪聲

入京見百官耆民童穉歡迎道周


星旂葆羽禁城闔雨霽郊坰不動塵旭日薰風歸凱路
黃童白叟太平人正逢師至經三月敢比苗頑格七旬

從此普天無戰鬪更將休養勛臣鄰

賜將軍孫思克

天討恭行日軍威戰捷時列營張犄角搃吭有偏師立
見窮追盡能承節制奇鷹揚資遠略宿望在西陲

聖祖仁皇帝御製文集卷四十六



總校官庶吉士臣侍朝

校對官檢討臣郭寅

謄錄監生臣藍嘉瑄

欽定四庫全書薈要

集部

聖祖仁皇帝御製文二集卷

四十七至
五十

詳校官原任編修臣
徐五綱

欽定四庫全書薈要

聖祖仁皇帝御製文第二集卷四十七目錄

古今體詩二十八首

暮秋重出居庸關

登雞鳴山

遙祝

皇太后千秋

蒙古老穉來迎咸勞遣之



閱馬牛羊羣

山行

厄魯特之衆相繼來歸咸詢其父母兄弟妻子
為陣前所獲者覓令完聚

塞外初冬

駐蹕歸化城

古寺

賜宴諸蒙古

歸化城夜月

昭君墓

并序

塞外寒夜書懷

黃河

并序

十一月三日泛舟黃河流凌始下舟行之頃河
水瑩潔波浪忽平

脫脫城

冰渡

鄂爾多斯行圍雉兔甚多

曉寒念將士

河套西望

噶爾丹遣人乞降示議政諸臣

途中長至

示大將軍伯費揚古

入沙虎口

右衛駐蹕

經大同府 并序

汗血馬

欽定四庫全書薈要卷一萬三千七十五

集部

聖祖仁皇帝御製文第二集卷四十七

古今體詩二十八首

暮秋重出居庸關

亂榆叢柳未經霜
峻嶺崇巒曉色蒼
峽裏細泉流不竭
仍聞太古韻鏗鏘

登雞鳴山

鳥道盤空近塞垣
羊河如帶繞山根
停鑾欲覽沿邊勢

石上藤蘿手自捫

遙祝

皇太后千秋

臨風懷繡宸佳氣望瑤宮月首冀三葉冬遲菊萬叢

十月

十二日壽尊浮碧螳箋奏託雲鴻景祚縣縣永南山頌

不窮

蒙古老穉來迎咸勞遣之

塞閔難延建羽旄常因國計不辭勞蒼頭黃口紛然至

天地為心示覆幬

閱馬牛羊羣

邊境地閒敞畜牧多蕃滋掌理各有職水草實咸宜疆
輿裕驅策享宴豐牲犧日給大官庖歲供內廐騎不煩
畎畝力生息頻在茲偶來歷塞垣按轡省所司千羣牝
牡壯萬隊雲錦奇暖就陽坡眠驕向秋原馳非獨充犒
賚兼得佐熊羆夏五破狡虜挂弓天山陞甲士歸伍閒
休養正此時庶物詎云細國用恒相資嘶飲適其性覆

載本無私

山行

古木荒山落葉稀
寒流幾曲漾斜暉
馬蹄行徧龍堆路
總是金湯戶外扉

厄魯特之衆相繼來歸
咸詢其父母兄弟妻子為
陣前所獲者
覓令完聚

締宇莅八表
一視貴同仁
苟有不得所
此中常肫肫
荒裔乃異類
獐驚性頑嚙
橫戈臨朔漠
窟穴頓淪湮
將士

俘擒衆竄遁僅及身逋亡日來投稽首心誠諄念彼骨肉離咸為加撫詢廣諭命尋識使得完天倫歡聲繼感泣寒塞生和春綏柔寓大權萬物歸鴻鈞

塞外初冬

陰山南去雁行多渺渺沙原六御過報是初冬新律改依然霜曉氣暄和

駐蹕歸化城

一片孤城古塞西霜寒木落駐旌霓恩施域外心無倦

威懾荒遐化欲齊歸戍健兒欣日暇放閒戰馬就風嘶

五原舊是烽煙地

相傳舊屬五原郡地

亭障安恬靜鼓鼙

古寺

入望香臺迴巡行陟歷遙磬聲清靜夜旂影颺晴霄梵
相金泥古經廊畫壁凋登臨縱遐矚紫塞接岢嵐

賜宴諸蒙古

羽林列隊宴行宮內外綏懷一體中霜仗輝煌明塞日
晴旂宛轉捲邊風人霑酒羣情洽樂合羌笳率舞同

卉服絨裘無老幼歡然盡識化鈞公

歸化城夜月

此際殊方月關山遠近看清輝
臨玉帳皎色耀金盤
煙野照逾闊霜空夜未寒
坐消行漏永沙塞絕風湍

昭君墓

并序

匈奴梗化邊陲自周秦漢唐無代不有頃朕於春夏
親統六師破厄魯特噶爾丹於克魯倫河西北復於
秋九月西巡由張家口出塞撫祭我邊鄙厄魯特敗

殘之衆降者踵至其頭目來歸者咸予近職開誠示
信絕無猜疑冬十月十三日至歸化城為我兵屯戍
之所城南十餘里土阜突然傳為昭君墓即志所云
青冢也昔有不得志於功名或身遭遷謫往往託昭
君怨而為詩以寫其抑鬱則在當日之怨極而悲又
不知何如此冢之留茲土適足為漢譏焉我國家輿
圖遠大遐邇諸部落世世臣屬奔走不暇凡有驅策
如臂之使指甘為僕婢而不辭恒自緬懷前烈敢不

慎修思永夫昭君墓何足詠也因之有感於治理遂
成八韻

南北分天地存亡見廟謨含悲辭漢主揮淚赴匈奴目
觀當年冢心懷四海圖葆旌巡遠徼藩落効馳驅欲笑
和親失還嫌餌術迂漢賈誼策言用五術以餌匈奴開誠示異族布化
越荒途漠漠龍沙際寥寥雁塞隅偶吟因有觸意獨與
人殊

塞外寒夜書懷

三
帳殿深沈夜未眠靜思籌略聽羌絃金甌更闢千千里
瀚海無波萬萬年露冷宵寒凝翠幕塞高風定歇征韉
旁人莫道行兵遠自有單于首到邊

黃河

并序

河源發於塞外流經萬里餘始由中土入海曩曾遣
使探流窮源河之為利為害莫不洞悉近以巡省邊
隅駐蹕湖灘河朔一水滌洄自西北來流不甚濁而
波緩岸隘而土堅白草蕭蕭黃沙彌望其中環抱約

地千二百餘里草豐水美便於畜牧明弘治間淪於
外彝地逼秦境時相寇擾故諸臣每言不宜棄此衆
議紛然人多不察恒惜其言之未用然使當日即用
其言加兵塞外揆理度勢豈遂能驅而遠之亦必徒
勞士馬耳朕嘗以收復河套之論謂其心忠於國則
可謂其灼見事機言之可行則未然也國家威德所
布龍荒大漠與河套盡入版圖諸蒙古歲修貢奉
職惟謹非務德意綏柔詎兵力之所可致耶故臨流

增思詩示永久

洪流遠且長迢遙逾塞垣旋繞幾曲折沙雜波濤渾漸
下漸開拓建瓴勢迅奔所經雖繇邈脉絡自有根東南
藉輓輸疏淪頻討論昔歲省隄防淮濟親臨軒今茲歷
大荒羽衛成雲屯峻嶒兩岸間天寒落漲痕冰澌斷更
續晶晶耀朝暎此中地沃饒水草佳且繁昔人議收復
斯舉誠難言觀俗撫幽遐老幼爭攀援殊方亦蒼赤咸
施沐浴恩期令歸化意來者如河源晝夜入滄海包括

彌乾坤

十一月三日泛舟黃河流凌始下舟行之頃河水
瑩潔波浪忽平

黃濤何洶洶寒至始流凌解纜風猶緊移舟浪不興威
行宜氣肅思布覺陽升化理應多洽囂氛頃刻澄

脫脫城

土墉四面築何堅地壓長河尚屹然國計思清荒服外
早將糧粟實窮邊

冰渡

雲深卓萬騎風勁響千旗半夜河冰合安然過六師

時河

冰未合師行之頃忽報可渡次早如行平地

鄂爾多斯行圍雉兔甚多

地敞沙平河外天合圍雉兔日盈千籌邊正欲勞筋骨
時控雕弧左右弦

曉寒念將士

長河凍結朔風攢帶甲橫戈未即安每見霜華侵曉月

最憐將士不勝寒

河套西望

往代存虛議今為我外藩
河環沙磧暖境闊草灘繁
錯落綏延接迷離朔漠吞
時巡曾不到特示撫柔恩

噶爾丹遣人乞降示議政諸臣

醜類蠢頑思負固干矛指處朽枯摧空勞狡計營三窟
卓有深機布九垓窮犬始為搖尾策奔狼聊作乞生哀
無私何靳恢湯網未必真誠款塞來

途中長至

關塞經時蹕未回
律逢葭琯暗飛灰
遙知日晷添宮線
暖閣前頭放早梅

示大將軍伯費揚古

仗鉞親驅寇分麾
扼要先戰能遵指
授動輒秉機權
鴟鳥巢全覆妖狐命
苟延樓蘭須共滅
功勝勒燕然

入沙虎口

秋末巡沙塞冬深六轡還
野迴千澗水雲掩百重山
獵

獵寒風勁駸駸班馬閑
勤勞因國事計日對
慈顏

右衛駐蹕

西陲古鎮雄土俗亦唐風
邊候年催箭遙天月似弓
干戈分禁旅控制接雲中
細柳新營舍精巖面面同

經大同府

并序

大同古之雲中外與五原陰山相接內連雁門朔代
最為要地自昔軍旅之所屯戍商賈之所往來雖厥

壤寒瘠俗實佻靡明武宗託言巡邊每來遊幸留輒數月為後人所議朕撫輯龍荒一歲之中再行塞上由大同至歸化城路稍遠而地暖由張家口至歸化城路稍近而地荒前獨取道張家口者蓋有故焉茲以將士久露於外候寒草枯人騎糗芻非內地不便遂入沙虎口過右衛經大同城念民徭役蠲除明年租特勅六軍一宿而過曩朕兩幸南省惟以察民疾苦興利除弊為務其山川風土隨意覽觀而已此行

不辭勞瘁親冒霜雪期欲早靖沙漠又非南巡可比
朕平日凡涉一境歷一事必慎思而審行之庶得古
人翼翼之意

塞行初返旆止蹕偶城闐帝典尊明德湯盤鑑日新時
巡惟濟物敷政在安人特豁雲中賦軍需供億頻

汗血馬

驊駘應產渥洼中骨相昂藏汗血紅星角晶熒如掣電
霜蹄蹀躞已追風

聖祖仁皇帝御製文第二集卷四十七